


Save ol Raet mo Responsibiliti blong Yu: long saed blong domestik mo famli vaelens



Yumi evriwan i gat ol raet mo responsibiliti mo yumi wantem stap long ol rilesensip we oli sef, rispekful mo helti. Yumi evriwan i gat raet long wan laef we i nogat vaelens, inkludum domestik mo famli vaelens Long Ostrelia, yumi no save akseptem eni domestik mo famli vaelens mo i gat ol loa blong protektem ol man we oli fesem vaelens mo abys.

SAMARI

- Yumi evriwan i gat raet blong filim sef mo helti, mo kasem rispek long ol pesonel rilesensip.
- Domestik mo famli vaelens hemi eni fasin blong mekem vaelens, tretenem o kontrolem, mo ol fasin ia oli ol kriminol ofens we man i save go long prisem from.
- Sapos yu bin fesem domestik o famli vaelens yu save kontaktem polis o toktok long wan kaonsela long namba ia 1800 737 732. Sapos yu no sef o hemi wan emejensi, kolem 000.

Wanem ia domestik mo famli vaelens?

Domestik mo famli vaelens hemi eni fasin blong mekem vaelens, o tretenem o kontrolem narawan. Maet hemi wan kriminol ofes we i mekem man i go long prisem from. Nomoli, domestik mo famli vaelens hemi tekples insaed long famli o haoshol, be yumi save talem blong tokbaot wan famli o patna we i no stap liv wetem yu. Moa infomesen long ol difren kaen domestic mo famli vaelens i stap long pej 2.

Hu nao i fesem domestik mo famli vaelens?

Domestik mo famli vaelens i save afektem eniwan long eni kasem rilesensip. Hemi no bitwin hasban mo waef nomo, o boefren mo gelfren, be i save gat vaelens bitwin tufala patna, pikinini, mo narafala famli mo fren. Hemi save tekples long ol rilesensip we i klosap, long taem bifo o naoia, inkludum rilesensip we yu stap spendem taem tugeta o yu liv tugeta, insaed mo aotsaed long hom.

**DOMESTIK MO FAML I VAELENS I SAVE INKLUDUM OL SAMTING IA,
MO SAM SAMTING BAKEGEN:**



**FISIKEL VAELENS
O ABYUS**

Eni kaen fasin we i kosem harem nogud o damej long wan pesen o ol ting blong hem, we fasin i save inkludum pansim, slapem, kikim, pusum, skwisem nek, o sakem o yusum wan wepon



SEKSUEL ASOLT

Eni fasin long seks we man i no wantem, olsem tajem, kisim, toktok blong jikim, tretenem o mekfani, talem no long kontrasepsen mo gat seks wetem wan pikinini



**FASIN BLONG
KONTROLEM**

Eni fasin blong stoking (folem man), stopem hem blong luk famli mo fren blong hem, monitarem ples we hemi stap long hem, ridim ol pesonel mesej blong hem, mo stopem hem blong yusum fon mo aksesem mane



ABYUS TRU LONG TOKTOK

Eni fasin blong toktok strong long wan pesen wetem tingting blong mekem hemi sem, daonem filing blong hem mo mekem hemi fraet. I save inkludum we i singaotem hem long wan rabis nem o tretenem hem. Ol samting ia i save tekples long kwaet ples olsem long haos, o long pablik ples araon long ol nara pipol



JAEI ABYUS

Sapos pikinini (wan pesen andanit long legol ej blong konsent) hemi luk o hemi involv long fisikel o seksuel abyus, neglek (oli no lukaotem gud hem), abyus tru long toktok o emosonel abyus.



EMOSONEL ABYUS

Eni fasin we man i mekem blong kontrolem narawan, mekem hemi fraet o spolem hem we i mekem hemi no save wanem i stret o tru, o hemi save brekemdaon strong tingting long maen blong hem o filing blong gat fridom, mo i save mekem hemi filim se i mas mekem wan samting iven i no wantem mekem, o man i save tretenem hem se bae i kilimded hem wan



FAENANSEL ABYUS

Eni fasin blong stopem, kontrolem o yusum mane blong man we hemi no givim konsent, o fasin ia i stopem hem blong save wok



ABYUS WETEM TEKNOLOJI

Ol fasin olsem serem pikja we man i no bin letem, sendem rabis teks mesej blong abyusem man, kolkolem man tumas, yusum kiaman sosel media profael blong spolem o mekem narawan i sem wetem ol rabis post



**ABYUS TRU LONG
OL FOTO**

Taem wan man i serem o i mekem tret blong serem ol sikret foto we hemi no karem konsent blong man we i stap long foto - hemia i brekem loa



**SPIRITUEL O KALJAROL
ABYUS**

Ol kaen spirituel mo kaljarol abyus i inkludum ol fasin blong yusum ol rilijes tijing o kalja mo kastom blong abyusem narafala man, blong tok nogud long hem from kalja blong hem o blong stopem hem blong pat long ol rilijes seremoni, mo stopem hem blong gat akses long graon o famli

Vaelens mo loa

Ol gavman blong Ostrelia long level blong Commonwealth, stet mo teritri oli stap wok blong priventem vaelens mo i gat ol mesa anda long loa blong dil wetem ol man we oli mekem rabis fasin ia mo blong protektem ol man we oli fesem domestik abysus.

I no gat eni kaen situesen o risen blong mekem vaelens hemi oraet, iven sapos wan man i filim se narawan i spolem hem. Long Ostrelia, taem man hemi mekem vaelens long narawan hemi brekem loa mo hemi wan **kriminol ofens**. Ol kriminol ofens i save lid i go long ol panis olsem pem faen o go long prisen, mo i save mekem i had blong yu stap long Ostrelia.

Fasin blong domestik mo famli vaelens oli ol **kriminol ofens** i mekem se bae oli panisim man anda long loa. Hemi inkludum

- asolt
- seksuel asolt
- mekem tret long sefti blong narawan
- stoking (folem man)
- faenansel abysus
- stilim o damejem ol ting
- brekem proteksen oda.

Hemi impoten blong yu andastanem loa mo ol raet mo risponsibiliti blong yu long saed blong konsent mo sexual harassment.



Wanem nao mi save mekem sapos mi stap long wan rilesensip we i gat abysus?






Sapos yu o wan narafala man i stap long denja, o sapos yu bin fesem ol tret, kasem kil o seksuel asolt, i gud blong yu kamaot long situesen ia blong protektem yu wan sapos yu save, mo kolem polis o namba ia 000.

Sapos yu ting se yu stap long wan rilesensip we i gat abysus, o yu save wan narawan we maet hemi stap fesem abysus, hemi impoten blong kasem help hariap. Toktok long wan man o woman yu save trastem blong helpem yu blong disaedem wanem blong mekem, olsem wan fren famli, dokta blong yu o kaonsela. Hemi impoten tumas blong man hemi gat sapot blong mekem disisen blong hem wan, taem hemi redi.

Sapos yu bin fesem domestik o famli vaelens i kam long wan pesen, wan kothaos long Ostrelia i save mekem wan oda blong stopem hem blong kam klosap long yu. 'Proteksen oda' hemi talemaot ol rul we pesen ia i mas folem, mo sapos hemi brekem ol rul o hemi mekem tret long yu o i mekem vaelens bakegen long yu, i minim se hemi stap brekem loa.

I gat wanem kaen sapot sevis i stap?

Sapos yu bin fesem domestik o famli vaelens, o yu mekem vaelens agensem patna blong yu, hemi impoten blong save se i gat sapot i stap. I gat fulap sevis long Ostrelia we oli save givim sapot long eniwan we i stap fesem o i stap ronwe long domestik o famli vaelens, mo wanwan stet mo teritri i provaedem ol difren kaen blong sevis. Maet yu tingting blong kasem sapot long:

-  **sefti mo sikiuriti blong yu,** yu save kolem o go long wan lokol polis stesen
-  **helt mo medikol asistens,** yu save kolem wan ambulens o go luk dokta blong yu
-  **profesonel kraesis sapos sevis** blong gaedem yu mo provaedem kaonseling sapot
-  **legol asistens** i save helpem yu blong andastanem loa mo ol legol raet blong yu
-  **mentol helt fon laen** i save helpem yu blong rikava mo oli save provaedem kaonseling sapot



- Ol helti rilesensip i stat taem yu filim se man i rispektem yu mo yu sef.
- Yu gat raet blong kasem rispek mo sefti long evri rilesensip blong yu.
- Fasin blong abysus long wan rilesensip hemi no stret mo maet hemi domestik mo famli vaelens o seksuel vaelens.
- Sapos yu stap wari long eni fasin we hemi no helti, o i soem abysus o vaelens long eni rilesensip blong yu, yu save kontaktem 1800RESPECT long 1800 737 732 o tru long onlaen chat.

I kam long: 1800RESPECT Nasional Kaonseling Sevis blong Seksuel Asolt, Domestik mo Famli Vaelens

Wea blong kasem help o toktok wetem wan pesen we i save help



Wea blong kasem help o toktok wetem wan pesen we i save help

Sapos wan man o woman i mekem seksual asolt long yu mo yu wantem mekem wan komplem, yu sud ripotem long polis hariap. Sapos yu no stap sef o hemi wan emejensi, kolek 000. Yu save kasem sapot long wan seksual asolt sapot sevis olsem 1800RESPECT long 1800 737 732.

I gat eniwan long PALM skim we i save helpem mi?

Hemi had blong lanem blong liv long wan narafala kantri be i gat sapot mo ol risos we i stap blong helpem yu. Sapos yu gat eni kwestin taem yu stap ajastem yu long laef long Ostrelia, yu save askem emploia blong wok blong yu. Sapos oli no save ansarem kwestin blong yu, oli save talem long yu hu blong toktok wetem, inkludum ol narafala PALM skim sapot olsem:



Kantri lieson ofisa ("CLO") o labour attachés

Yu save faenem ol kontak ditel blong CLO long websaet blong PALM (<https://www.palmscheme.gov.au/contact>).



PALM sapot sevis namba hemi 1800 51 51 31, o imelem (palm@dewr.gov.au)

Plis tekem not se oli stap monitarem sapot sevis laen ia mo imel stat long 8.30am – 6.30pm (AEST) - oli save tekem ol kol afta long taem ia sapos hemi wan emejensi nomo.










Haonao mi save kasem moa infomesen o profesonel help we hemi konfidensel?








Sapos yu o wan narawan we yu save i wantem kasem moa infomesen abaot domestik mo famli vaelens taem yu stap long Ostrelia, yu save kontaktem ol infomesen mo sapot sevis daon ia. Ol oganaesesen ia oli save helpem yu o daerektem yu i go long stret ples blong faenem wan sevis we hemi sutum nid blong yu.

KI RIFEREL MO SAPOT SEVIS LONG OSTRELIA

SEVIS	HEMI MEKEM WANEM?	KONTAK INFOMESEN
Ol emejensi sevis	Tripol siro (000) hemi men emejensi sevis namba long Ostrelia. Yu sud kolek 000 sapos yu nidim help hariap long saed blong polis, faea, o ambulens.	Tel: 000 raon long Ostrelia, long enitaem nomo (24/7)
Lokol polis o ambulens sevis	Sapos hemi no ejen, bae yu faenem namba blong lokol polis, faea o ambulens sevis.	Blong faenem lokol polis stesen, sej long 'Find my local police station in [raetem ples we yu stap long hem]'

KI RIFEREL MO SAPOT SEVIS LONG OSTRELIA		
SEVIS	HEMI MEKEM WANEM?	KONTAK INFOMESEN
Health Direct	Sapos yu wantem faenem wan dokta o narafala medikol profesonel we i stap klosap long yu, go long Health Direct. Yu save yusum 'service finder' blong olgeta blong faenemaot ples we hemi klosap moa long yu.	 Tel: 1800 022 222 raon long Ostrelia, long enitaem nomo (24/7)  Websaet: https://www.healthdirect.gov.au/domestic-violence-and-abusive-relationships
1800RESPECT	Sapos yu nid blong toktok long wan profesonel kaonsela abaot domestik o famli vaelens o seksuel asolt, oganaesesen ia hemi provaedem wan fri konfidensel fon sevis. Yu save go long websaet blong olgeta blong faenem ol sevis blong helpem yu mo ol infomesen long saed blong ol helti rilesensip.	 Tel: 1800 737 732 raon long Ostrelia, long enitaem nomo (24/7)  Websaet: https://www.1800respect.org.au/
Daisy app long fon	Daisy hemi wan app we hemi givim infomesen abaot ol sapot sevis long lokol eria blong yu. 1800RESPECT hemi bin divelopem Daisy mo hemi fri blong yusum mo daonlodem. Hemi gat wei blong yusum we hemi sef blong protektem praevisi blong yu.	 Daonlodem long app stoa; o go long Daisy app: https://www.1800respect.org.au/daisy
MensLine Australia	MensLine Australia hemi wan fon mo onlaen kaonseling sevis blong ol man we oli gat konsen long saed blong famli mo rilesensip.	 Tel: 1300 78 99 78  Websaet: https://mensline.org.au
Men's Referral Service	Men's Referral Service hemi wan famli vaelens kaonseling sevis tru long fon blong ol man mo i provaedem infomesen mo riferel information. Hemi stap truaot long Ostrelia mo olgeta long No to Violence oli ranem sevis ia. Sevis ia hemi men ples blong ol man i save kontaktem blong tekem responsibiliti long fasin blong vaelens we oli mekem. Mo tu, oli provaedem sapot mo ol riferel blong ol woman mo ol man we oli wantem kasem infomesen blong ol patna, fren o famli blong olgeta, mo tu ol woka long ol difdifren wokples we oli stap lukaotem asistens blong ol man klaen blong olgeta.	 Tel: 1300 766 491 Mandei kasem Fraedei long 8am-9pm, Wiken long 9am-5pm)  Websaet: https://www.ntv.org.au

KI RIFEREL MO SAPOT SEVIS LONG OSTRELIA		
SEVIS	HEMI MEKEM WANEM?	KONTAK INFOMESEN
Family Violence Law Help	Family Violence Law Help hemi wan nasonal websaet blong eniwan i save lanem moa long domestik mo famli vaelens, loa mo wea blong kasem help.	 Go long websaet: https://familyviolencelaw.gov.au , blong kasem moa infomesen long ol samting olsem: Domestik mo famli vaelens , Domestik Vaelens Oda , Hao blong kasem help
Family Advocacy and Support Service (FASS)	<p>Family Advocacy and Support Service (FASS) hemi wan sevis we i karem tugeta loya mo sosel woka blong helpem olgeta we oli fesem famli vaelens. Hemi kasem fanding tru long Commonwealth.</p> <p>Evri stet mo teritri long Ostrelia i gat wan Family Advocacy and Support Service ('FASS'). FASS hemi fri mo i mekem tugeta legol advaes mo sapot long kothaos blong ol pipol we oli fesem domestik mo famli vaelens.</p>	 ACT: 1300 654 314 NSW: 1800 551 589 NT: 1800 019 343. QLD: 1300 267 762 SA: (08) 8111 5300. TAS: 1800 431 157 VIC: (03) 8373 7917 WA: 1300 650 579  Go long websaet blong Family Violence Law blong kasem infomesen long saed blong kontak, ples mo ol sevis we Family Advocacy and Support Service i gat long wanwan stet. https://familyviolencelaw.gov.au/fass/
eSafety Komisona	eSafety hemi helpem ol man Ostrelia blong priventem mo kasem help long saed blong eni harem nogud we oli fesem from wan series onlaen abysus o ol samting (olsem pikja o video) we hemi brekem loa o hemi tabu. Go long websaet blong olgeta blong faenemaot hao blong ripotem eni abysus long saed blong foto, mo hao blong karemaot ol samting ia mo ripotem long polis.	 Go long websaet ia: https://www.esafety.gov.au/key-issues/image-based-abuse  Infomesen pepa: Onlaen sefti blong ol peren mo kera

PALM skim inkludum ol staf, volontia mo patna blong olgeta, oli bin tekem kea taem oli mekem rere ol infomesen ia, be oli no save tekem responsibiliti sapos i gat eni mistek, o eni samting oli no inkludum o i rong. Mo tu oli no tekem responsibiliti sapos eni man we i yusum infomesen ia hemi lusum eni samting o i kasem wan problem. Oli bin mekem rere ol infomesen long pepa ia blong givim jenerol infomesen nomo. Pepes blong hem hemi no blong givim legol o narafala profesonel advaes. PALM skim mo ol patna blong hem i no save tekem responsibiliti sapos i gat eni samting i hapen taem man i yusum eni infomesen long pepa ia.

